

西北文學文獻

第九卷

中國西北文獻叢書



中國西北文獻叢書·第六輯

西北文學文獻

第九卷



新學
社
PDG

姑藏李郭二家詩草

清 李蘊芳

郭 楷

醉雪齋遺草

七

夢雪草堂詩稿

三七

夢雪草堂續稿

二〇七

燕京雜詠

清 潘挹奎

二七三

張澍手批潘挹奎文稿

清 潘挹奎

三六三

張玉溪先生詩

清 張美如

五四一

古姑
臧李
郭二
家
詩
州

時在丙辰
秋七月印

原版本規格 開本二六六×一五三毫米
版心一八五×一二三毫米

姑臧李郭二家詩草序

丙辰春余將以郭雪莊先生夢雪草堂詩稿付諸排印適吾師
李叔堅太史命賈君杏卿郵致李湘洲先生醉雪齋遺草一卷
俾與合印題曰姑臧李郭二家詩草時金城劉君紹廷聽鼓烏
垣協同校讐兩閱月始竣至湘洲先生事蹟顛末潘考功原序
未詳於所著武威耆舊傳中述之茲不復贅同里後學段永恩
識於北庭城東寄廬

蘇子瞻

PDG

醉雪齋遺州

酒
開
金
鬚
州

醉雪盦遺草序

憶在嘉慶丁卯冬初挹奎由陝歸里貧病交縈無以自遣友人
孫七雲房餉醉雪盦遺詩一卷并謂挹奎作是詩者著述甚富
獲譴後其同年友取生平詩文付之一炬此卷收諸灰燼之餘
他日當梓而傳之與瘞枯骨哺棄兒同功吁何雲房言之痛切
若是天下固有不瘞之枯骨不哺之棄兒矣然吾聞千里馬骨
古人或以黃金市之矧吾曹歐心血爲詩文其珍有逾於馬骨
哉兒之誕置道旁也呱呱如訴見者將不問爲誰氏子而哺之
恐後矧其近在鄉鄰爲吾曹所能名爲誰氏子顧不之哺而去
之若浼無惻隱之心矣然則醉雪盦遺詩之刻固不待人之勸

亟當梓而傳之如雲房瘞與哺之之說也而挹奎深慨於中者以作者之才遭罹慘禍至今生平著述後人視同枯骨棄兒且其鴻篇巨製概委劫塵今所流落人間祇此枯骨祇此棄兒苟不瘞之哺之閱數十年或百年並區區所云枯骨棄兒蕩焉無復子遺不特於雲房也負終將如此枯骨何如此棄兒何爰付之梓聊以塞瘞與哺之之責并語雲房枯骨已瘞之棄兒已哺之矣而因以思古今歐心血爲詩文其沈湮不表見於世如雲房所云枯骨棄兒不知凡幾惟不能盡瘞與哺爲可傷也爲可憾也於刻醉雪盦遺詩旣成垂涕泣而道之同里後學潘挹奎

序

醉雪齋遺草一卷

武威李蘊芳湘洲甫著

五言古

晚泊樟樹

代馬嘶北風鷗鵠先南翥平生山海性猶不忘其故嗟予久行役舟車任所遇湛
湛鹿江清文成誓師處勳業在青史媒孽夫何懼珪璧起宛委浩蕩真吾素感歎
深後人停橈不卽渡行藏貴有真性命理自足回首終南山萬里迷煙霧冥鴻亦
復來落月滿江樹

觀鯉

舉臂出神鯉金碧盈三尺三十六鱗中鱗鱗裹雪液蛟龍惜其類挾舟露山額風
雨隨冥濛雷霆走崩潰霜刃不敢下波潯天中割神騰鼠帶飛光閃一江赤嗟爾
叉簇徒仰空但嘆喑

渡黃河

家本近河源，頗能諳河勢。天漢東南傾，崑崙西北抵。日出燦列星，點點明海濤。其始或清淺，傳毛革以濟衆流。各奔命，浩蕩恣吞噉。潏潏赤賓渾，丹液澡滌泥。地脈漏沙潛，石骨排空激。衝突漸無前，化作經天蟠。一鍵筦中原，呼吸滄溟叟。砰訇積石出，蜿蜒結龍門。契鐵硤束奔，潏俯首就追還。山開岸崩豁，放神遂莫制。憑凌有餘威，爲患無虛歲。九道旣已湮，三門空自泄。玉馬悼宣房，從古失籌計。誰使河淮交，掉臂奮東逝。金堤迴及業，飛漕期勿滯。効順得安流，厥績亦不細。泐河抵清口，帆檣如連袂。浮濤溢懸崖，縈波委狼戾。側聞盛秋潦，汎濫決淮泗。爲魚憂下民，咨嗟靡聖帝。我來駕輕舟，欲渡氣揚厲。風日幸清和，千里生光霽。榜人齊著力，迴棹安次第。呀坑不可入，將吞還脫離。逆挽爭上流，俯仰其牛掣。颿橫竹箭飛，鳴舷忽轉捩。但覺雷霆走，無復蛟龍擠。洪澤匯茫茫，波閃雲日遞。瞬息資歡賞，涉危信膽諦。憶昨歷鍾吾，露沈久蒙翳。蕩颺沙石影，掩艸雙目閉。席脹不能落，顛簸篙敝脆。

吾生殊艱難，念此付委蛻。何當經利涉，永感陽侯惠。疏導匪禹功，榮光耀佳麗。砥柱良在茲，常願終無替。

清濟閘看月

相識復幾許，已成天一方。空明氣孤靜，清切水同光。宿鷺團沙白，流螢滴草涼。臨波滌煩臆，爲爾暫衣裳。

渡江

險夢破驚濤，奔騰脫衣附。振袖漂飛雲，沈冥失瓜步。恍疑乾坤內，別有物豁豁。倒懸光景空，萬象皆屈注。危檣一影撇，茫茫傾四顧。錯落金芙蓉，聳翠獨擎附。迎風仰妙高，遙擁蓬萊樹。焦山如覆盎，中壓海門住。前望鐵甕青，竊靄隱北固。衝激非一狀，嘯囑迅號譟。擊楫擢中流，天水森洞互。蛟龍窟宅尊，羣靈競奔赴。長風駕高浪，飛滂何磈錯。簸盪其舟航，既吞乃復吐。孤光疑白日，陰森半開晤。喧騰不可測，冥搜得雷雨。鴻濛所停洩，元氣爲布濩。及茲長四瀆，百川勢遂足。浮生寄飄泊，頗

懷江海具東指渤潯寬西極崑崙圖鼓棹走洪河旋狀擊秋瓠躑踞見鬼神出沒
增惶怖隨隨趙漢漣始覺更宏裕曠蕩揮八極得毋宇宙鋼惟天限南北不使相
吞盡車書正一家安流庇水祚逝將趨虹霓凌跨絕塵路徒作尺水蟠渺然向煙
霧

曉過崑山

晨霞低可餐殘月潛不滅遶遶望川原孤光雲水澈翔陽猶泝泱瀾瀾鬱蒸結空
山滌以渺洲渚縈迴閤素練帶肩城流輝薄騷屑玉峯儼佳妙潔雲拖秀潔齊整
生景風叢翠總嶸嶸俯矚臨新洋玲瓏清可悅斐澱何瀕泓金堤截飛雪檀欒露
露梢林樾媚朱綴牽縈念遲暮歷覽欣所切俗慮倘未深遂令幽懷折

早發富陽

潮平海勢回遂下富陽渚奔突遶定山夷猶挹漁浦岑巘疊翠峭叢蒼媚孤嶼奔
景澄虛明早霞紛如縷綠蘿蒙幽谷疎英隕夜雨鳴鼃繞其下驚湍一撼舫城郭

抱叢巖蒼煙翳邃宇迴颿頻展眺清碧燦可數遠目久淫滯遙心忽激楚邇往謝公展念茲塵緣沮水鶴棲長松江山靜太古

放漏舟灘人七里瀨

巖溜蓄清響樵風振林樾挽棹沿洄溪岡巒巨錯砗白石激幽瀨蒼崖露峭骨天宇迴生光日華翻勃窣漩湫曲碕通周覽窮檢括硤高秋氣鮮交疏錦綺綴蔓藻澹芳流粼粼漱玉活澄淵理不違得趣興超忽側聞羊裘翁高臥擘江月

沿子陵釣臺遂過富春山出烏石灘作

志士感蕭晨幽情契邱壑意恐失佳山引領欣所託朝泛桐廬溪夕指富春嶠錦峯突清麗繡嶺鬱盤礴疊嶂間層霞飛湍交金鉞撼撼雲中樹冥冥潭上閣藤蘿翳日日鳴鳥忘寥廓霜清水自肅灘沙皓漠漠倒影瀉澄淵翠壓天心落洲嶼滌連綿一轉一幽絕羽客乘紫煙丹谿駐元鶴捐繒緇郗築垂釣幕嚴樂昔賢貴適意憑虛散塵機沉冥跡未湮道在性可悅無想不元超有酒共斟酌

山龍津渡三十六灣至石虹山

峯蘭動遠思，邈焉懷幽獨。延佇想岑阿，循灣拂叢麓。天宇曠澄澄，疏林響撼撼。白露亦已晞，商飈還自肅。石華鮮可採，鳧藻淨容掬。蟠螭適幽草，文禽蔭佳木。祠閣懸重巖，檐欲隱崖谷。青碧間雲霞，迢探細路曲。荷鋤憺忘歸，或息原上竹。簪組但欲膺勞生，乃刺促情愜意轉惻。鑒茲濠梁鯈。

任邱寄內

每斷京華信，於今更遠行。寒鴻飛不到，江海去無情。捫羅霜自冷，擁髻月常盈。暗數南天路，高堂恐易驚。

七言古

十八灘

昔攀棧閣雲，今溯贛江石。棧雲排山山欲摧，贛石壓江江心窄。雲善變化亦有時，此石巉巖最難測。縱橫撐突勢莫當，洄波險澁旋分壩。左滌右擠裂障而崩崖，參